

Q. D. B. V.

DISSERTATIO INAUGVRALIS MEDICA
DE

OEDEMA TE

QVAM

CONSENSV ET AVTORITATE

GRATIOSI

MEDICORVM ORDINIS

IN

INCLVTA NORIMBERGENSIVM ACADEMIA
ALTORFINA

PRO LICENTIA

SVMMOS IN MEDICINA HONO-
RES ET PRIVILEGIA DOCTORALIA
LEGITIME IMPETRANDI

PVBLICE DEFENDET

FRIDER. THEODORVS SCHRECK
MAGDEBVRGENSIS

A. D. NOVEMBR. cIo lcccxxi

H. L. Q. C.

ALTORFII NORICORVM

LITERIS IOD. GVIL. KOHLESII ACAD. TYPOGR.

REGISTERED PATENT OFFICE
LONDON

ORDINARY

OF THE
MEDICAL ORDERS

OF THE
MEDICAL PROFESSION

PROFESSOR
OF MEDICINE
IN THE UNIVERSITY OF LONDON

THE
MEDICAL PROFESSION

OF THE
MEDICAL PROFESSION

PERILLVSTRIBVS GENEROSISSIMIS
PRVDENTISSIMISQVE

DOMINIS

DN. GEORGIO CHRISTOPHORO
KRESS DE KRESSENSTEIN

AB ET IN KRAFFTSHOF ET REZELSDORF ETC.

PERILLVSTRIS REIP. NORIMBERGENSIS
SEPTEMVIRO ET PROTOPROVINCIALI

DN. IOHANNI CHRISTOPHORO
TEZEL

A KIRCHENSITTENBACH IN VORRA ET ARTELSHOFEN.

DN. IOHANNI SIGISMVND
PFINZING

AB ET IN HENFENFELD

DN. IOHANNI IOACHIMO
NVZEL

AB ET IN SVNDERSPVHL

DN. GEORGIO PAVLO POEMER

EIVSDEM INCLVTAE REIPVBLICAE
SENATORIBVS CONSVLARIBVS
ET PROVINCIALIBVS PER OMNIA MERITIS

DOMINIS AC MAECENATIBVS SVIS
OMNI OBSEQVII CVLTV ANIMIQVE SVBMISSIONE
AETERNVM DEVENERANDIS

HANC DISSERTATIONEM INAVGVRALEM

D. D. D.

AVTOR.



PROOEMIUM.

Quisque medicinam agrotis facti-
tare & malis illorum succurrere
profitetur, ne is incredibile onus &
vix humanis humeris perferen-
dum sustinet. Ne iam, quæ honestos medico-
rum labores amaros sæpe ipsis reddunt, recen-
seam ineptissimorum hominum intempestivos
strepitus, & quo sunt indoctiores, impudentiora
iudicia: ne ὀριτέχων callida sæpe odia & obtrecta-
ctiones exponam, quæ magno elegiarum volu-
mini numquam defecturam materiam suppedi-
tare possent: illud tantum attingam, quod ipsa
ars talis sit, quæ nec ad unguem certa morborum,
eorumque causarum indicia ubique habet, nec
sufficiens cognitorum morborum ad sanitatem
certe suffectura præsidia & remedia invenit.

Mirabuntur multi Baglivum , sidus Italiae Medicorum etiam post fata fulgentissimum , exclamantem : O quam difficile est curare morbos pectoris ! O quam longe difficilior illos cognoscere ! Sed desinent mirari , si tam mirificam multitudinem causarum , qui morbos continent , & post obitum institutis corporum incisionibus innotuerunt , in observationum medicarum voluminibus adnotaverint . Quot epilepsiae , quas vel centum medici & sexcenti medicastris suis arcanis , specificis & Herculeis medicinis tentaverunt , incuratae manent , & post mortem demum causas suas , de quibus forte nemo cogitaverat , diligenti scrutatori ostenderunt ? Non iam hydropes , non podagras , non reliquam soniticorum morborum catervam recensebo , sed dicam tantum quantilla res videatur tumor partem aliquam corporis obsidens ? & tamen dantur quos numquam valeas sanare ; dantur quos non sanatos , aut curatos potius & tentatos , umquam fuisse longe fuerat consultius . Quare non indignum putavi illud de Oedemate argumentum , quod pro specimine inaugurali publice edendo excuterem . Si benevolo Lectori minus satis.

*satisfacere ratiocinia nostra, aut plane deficere
 & aberrare visa fuerint: excusationem com-
 munit sors hominum parabit; graviores au-
 tem reprehensionem pro me deprecabitur vene-
 randus medicina parens, qui se hominem hac
 maxime ingenua professione testari voluit: Ope-
 rosum est ita exacte condiscere, ut parum in
 alterutram partem delinquas, quanquam ego
 etiam cum medicum vehementer laudarem,
 qui parum delinquat. Certitudinem autem
 exactam raro videre contingit. **DEVM** au-
 tem, bonorum omnium auctorem veneror, velit
 singulorum veritatem in disciplina salutaris qua-
 rentium, & ad sublevandas hominum miseras
 efficaces medicinas investigantium, studia illis suc-
 cessibus beare, quae in amplissimum artis incre-
 mentum proficiant.*



§. I.

DE Oedemate acturis in nominis evolutione hæ-
rere aliquantisper opus non esset, nisi & ipsum il-
lud vocabulum a quibusdam medicinæ auctori-
bus diverso significato adhibitum reperiremus, & e no-
stra re præcipue fore arbitraremur, si in ipso limine clare
distincteque propositum fuërit, quid in præsentî tra-
ctatione intellectum velimus.

§. II.

Est autem vocabulum hoc, quantum est, Græcum; sed in ipsa Græcorum medicorum schola non unius ejusdemque valoris. Hippocrati, illi medicinæ Græcanicæ parenti, & ut Galenus testatur, veterum plurimis, vox οἰδημα, in universum designat omnem tumorem, sive is cum rubore & dolore conjunctus, sive sine dolore fuerit mollis & prementi digito cedens. Eodem fere modo apud illos valuit ejusdem originis vocabulum οἰδη. Sed tam late patentem vocabuli usum contraxerunt medici Galeni temporibus propiores, qui, quum tumorum species diversas nominibus peculiaribus insignirent, œdematis nomen proprium fecerunt tumori laxo, indolenti, qui ab impresso digito foveas aliquandiu ostenderet. Loca veterum, quibus dicta comprobentur, abunde suppeditabit *Foesius in œconomia*.

§. III.

Latinorum medicorum ille princeps optimusque
benedicendi magister Cornelius Celsus, ad Hippocratis
fere

fere modulum, unico tumoris nomine diversas eorum species complectitur. Unde factum existimo, ut recentiores, qui latine scripserunt, Græcum nomen civitate medica donaverint, quo ambiguos sensus præcaverent. Barbari scriptores *undimiam* crepant, cujus monstrosi nominis auctorem *Castellus* quidem Paracelsum laudat, *Fabricius ab Aquapend.* Avicennam, sed Avicenna Græcum *οἰδημα* totidem litteris fideliter exhibet: Paracelsum ab hac corruptione liberant longe antiquiores scriptores. Rectius fortasse hanc culpam in barbaros Avicennæ interpretes conjiciemus. Qui vero latine interpretari hanc vocem voluerunt, satis, ut existimamus, apte reddiderunt, *tumorem laxum*, ut in versionibus Pauli Aeginetæ & Aetii Amideni a *Jano Cornario*, interpretum nobilissimo, adornatis videre licet.

§. IV.

Est autem œdema tumor pallidus, indolens, laxus & prementi digito facile cedens, ut scrobiculus aliquantisper remaneat, calore non solum carens, sed etiam frigidulus aut facile frigescens, ab impedito libero progressu sanguinis venosi, aut humiditatis lymphaticæ stagnatione vel extravasatione, originem ducens, & partes præcipue extremas occupans. Facile autem erit ex hac descriptione morbum, de quo agimus, distinguere a tumorum reliquis speciebus: quare, ne longiores præter necessitatem simus, a differentiis istis prolixo sermone exponendis merito abstinemus. Neque video, quid porro opus sit signis, quibus œdema cognoscitur, enarrandis, quum eadem brevi orationi inclusa jam exhibuerimus. Illud autem non incommode addiderimus, subinde occurrere tumores mixtos, quum

v. g. status de reliquo œdematosus ruborem & calorem mediocrem conjunctos habet, quod maxime accidere solet, quando febribus finitis ad alterutrum vel utrumque pedem apostasis fit : de quo œdemate phlegmonode inferius seorsim quædam commemorabimus. Sæpe etiam congestiones, quæ initio penitus phlegmonodes erant, in sincerum œdema transire observatum est.

§. V.

Si de causa œdematum veteres consulueris, felices forte primo intuitu videbuntur, qui paucis verbis affectus tam difficilis ætiologiam & generationis adeo etiam modum hoc fere pacto enunciabant : provenit ab humore pituitoso in aliquam partem influente ; quum autem gravatur natura a pituitæ redundantia, insurgit expultrix facultas ad expellendum, & ita a majoribus vasis ad minora detrudit pituitosum humorem, qui, cutis densitate detentus, colligitur in musculosis partibus, & facit tumorem œdematosum. In hunc modum Galeni tota schola philosophabatur, donec meliori ævo exstiterunt viri, qui nihil significantia veterum vocabula proscripserunt, totamque medicinam melioribus & ex ipsa corporis natura petitis certisque principiis superstruere cœperunt. Hi vero quum primo sanguinis circulum invenissent, postea etiam chyli lymphæque vias, præeuntibus immortalibus viris, *Pecqueto*, *Bartholino*, *Rudbeckio*, *Nuckio*, ceteris, detexissent, non solum veterum illa de pituita in hoc negotio somnia antiquaverunt : verum etiam lymphæ cum sanguinis circulo connexionem demonstrarunt, quæ tanta est, ut prior illibata & salva esse nequeat, nisi sanguis, præsertim venosus, liberum suum & nullo modo impeditum cursum obtineat.

§. VI.

§. VI.

Arctum illud lymphaticæ humiditatis cum sanguine venoso commercium ut accuratius perspiciatur, ex physiologicis doctrinis repetendum est, sanguinem arteriosum a corde ad omnes partes devehī per canales, qui continuo, ramificationibus pluribus a se dimissis, angustiores redduntur, tandemque adeo subtiles evadunt, ut visum fere subterfugiant. Quæ quidem insignis subtilitas facit, ut nondum adeo clarum sit, quid ultimis arteriolarum extremitatibus accidat, utrum immediate ductibus venosis & lymphaticis cohæreant, an vero aliquid glandulosi interveniat, ex quo vasa lympham ferentia emergunt. Sed ad nostrum negotium id quidem parum facit, dummodo illud maneat, quod nullo pacto infringi posse puto, nimirum quicquid vasa lymphatica, in partibus nullum cum vena portæ commercium habentibus, subit, id prius in arteriis fuisse & per has ad partes pervenisse: &, cum ipso sanguine venoso non parum humiditatis lymphaticæ commixtum meare & ad cor reduci.

§. VII.

Apparet igitur id quod in utroque vasorum venosorum & lymphaticorum (abdominalibus quibusdam ut dixi exceptis) systemate fertur, ratione originis suæ, quam communem esse diximus, valde convenire. Restat ut indicemus quomodo intelligendum sit quod asseruimus, sanguinis venosi liberum motum interceptum aut impeditum lymphæ etiam vasa tangere & motum ejus lædere posse: quo declarato simul patebit cur œdematis potissimam causam adscripserimus impedimentis liberi cursus, quem sanguis venosus requirit, si sanitas

illibata conservari debet. Provocamus autem præcipue ad experimenta sæpius & a pluribus instituta. Si quis enim vivo animali venam aliquam majorem mediocriter constringit, idque vinculum per horam relinquit, animadvertet tumorem œdematosum illam partem occupantem, a qua rami ad constrictam venam excurrunt. Noverunt etiam anatomici quantum ad vasa lymphatica accuratius conspicienda juventur, si in animali nondum emortuo venosi sanguinis decursum, injectis ligaturis, coerceant: aut in nuper enecatis etiam, vena prius constricta, flatum per arteriam impellant. Causam horum phænomenorum hanc esse putamus, quod, dum venæ constrictæ nihil amplius admittere possunt, per arterias autem continuo novus sanguis advehitur, illa humiditas lymphalis, quæ satis magna quantitate miscetur venarum cruori, nunc ex arteriis in lymphatica copiosius influit, eaque in conspectum clariorem sistit.

§. VIII.

In vivo autem hominis corpore similiter accidere posse, immo solere, venarum ejusmodi compressiones, quæ liberum sanguinis fluxum sufflaminent, adeoque œdema efficiant, nulla de reliquo præsentente, aut ad effectum directe aliquid conferente, humorum notabili dyscrasia, quæ vulgo sola fere accusatur, ex dicendis porro dispalescet. Et primo quidem commendamus accuratiori meditationi gravidarum exempla, quarum plures, dum uterum gerunt, pedum œdemata incurere solent, quæ, ubi foetus exclusus est, sponte sua cessant, nec ullam medicinam expectant. Si causam quærimus tam oborti quam sublatis œdematis, nulla facilius ad concipiendum sese offert, quam venæ cavæ,
inter

inter lumborum vertebrae & insigniter dilatatum uterum collocatae, continua compressio, ut sanguis conservata libertate adsurgere nequeat. Accedit, quod *Vir illustris D. D. Stahl Theoriae medic. pag. 1211.* commemorat sibi visos esse qui a nimis diuturna tensoria pressione femorum, intercepto ita decente libero refluxu humorum ex inferioribus partibus crurum, quod fit in equitatione diuturna praeter modum, imo continua, imprimis super equo lati dorso, adeoque nimia divariatione crurum concurrente, oedema pedum originem duxerit. Quis porro harum rerum mediocriter curiosus non observavit homines, quorum vitae genus postulat ut integros dies stando transigant, quales sunt typographi, tam frequenter oedemate pedum vexari, ut omnino paucissimi eorum sint, qui non per plures annos hoc malum toleraverint. In his vero sanguinis venosi ex inferioribus partibus ascensum difficilem multa reddunt. Et primo quidem ipsa illa species motus, quo corpus erectum servatur, plurimum, femoris praesertim, musculorum continuam tensionem postulat, qua tensione venas ipsas comprimi necessarium est: deinde difficultatem non mediocriter auget ascensus sanguinis perpendicularis, qui nulla per vices alternante constrictione, quod in ambulantibus fit, adjuvatur.

§. IX.

Sed nihil aequè hanc impediti sanguinis venosi refluxus accusationem, indeque pendentem oedematis contumacis generationem comprobatur, quam notabilis ille casus, quem jam exponam. Adolescens viginti circiter annorum grave pedum oedema incurrebat, cui multa auxiliorum genera in cassum adhibebantur. Au-

gebatur indies tumor, donec stagnans diutius lymphæ & continuo affluens cuticulam attollebat, magnasque vesicas aqua plenas, tamquam ambusta pars esset, ostendebat. Hæ vesicæ totum pedis utriusque dorsum, usque ad malleolos, omni cuticula privarunt. Quum enim continuo augescerent & chirurgus illas aperiendas censuisset, perdurante continuo effluxu materiæ, quæ multa lintea brevi tempore tota humiditate perfundebat, nulla succedebat consolidatio, & cutis exterius concreto quodam quasi adiposo obtegebatur, per quod humiditas continuo exsudabat. Quum brevi post hæc morte abriperetur miser homo, & plures, qui illum noverant, medici optarent causas istius morbi, aliarumque, quæ huc non pertinent, circumstantiarum cognoscere, ferro aditus parabatur. Reperti tunc sunt in omnibus vasis majoribus, ad cor pertinentibus, insignes veri polypi, quorum maximus per totam fere longitudinem venæ cavæ extensus erat. Sed quod rarissimum & forte alibi non obvium videbitur, erat polyposum concretum satis firmum, crassum, nullisque laciniis, ut sunt alii polypi, aut, si mavis, pedibus, præditum. Hoc in illo loco, ubi vena cava in ramos iliacos finditur, sedem firmam in ipsa valvulæ satis magnæ pera habebat, nullibi tamen lateribus vel venæ vel valvulæ coaluerat: nam sine ulla separandi vel abrumpendi necessitate sponte sequebatur, quum eximeretur. Tanta autem erat ejus magnitudo, ut tantum non penitus æquaret venæ capacitatem; planumque ac certum omnibus intuentibus & considerantibus fieret non sine maxima difficultate sanguinem, ab inferioribus partibus adscensurum, per has angustias penetrare potuisse.

§. X.

Ut itaque aliquis dubitare posset, utrum in prius laudatis casibus gravidarum, & equitationis nimiae & incommodae, accusata compressio venarum has magis quam vasa ipsa lymphatica potuerit afficere, sicque lymphæ cursum impedire: puto tamen illud, quod de perpetuo standi necessitate dictum est, clarum; alterum, de polypofo concreto in venæ cavæ extremo trunco, clarius; clarissimum demum argumentum fore, quod adductum est experimentum ligatæ in vivo animali venæ, quam œdema statim insequitur: facileque mihi datum iri non vanam esse illam œdematis ætiologiam, quæ ab impedimentis & difficultate progressus sanguinis in venis desumitur. Neque tamen excludimus illa impedimenta, quæ lymphæ in suis vasis decurrenti simul viam difficilem reddunt: sed de venosi sanguinis itinere impedito sermonem habentes, ea differre in proprium locum volumus. Ad illa, de quibus nunc sermo est, impedimenta & difficultates forte non immerito porro referemus ipsam partium atoniam & imbecillitatem, qua fit, ut longis morbis, qui vires valde depasti sunt, œdema facillime & fere solemner in extremis, accedant. Fieri illud solemnissime in tabidis & hæticis desperatis solet: maxime autem pectoris hydropi adeo familiare est, ut multi inter signa hujus morbi œdemata pedum cum difficili respiratione juncta retulerint. *vid. Bagliv. in prax. med.* Solent autem plurimi eorum, qui præcordia aquis repleta gerunt, magnos etiam in vasis circa cor polypos fovere: ubi œdematis duplicem rationem, nimirum polypum in venis majoribus, qui liberum sanguinis influxum infestat, & colluviem in pectore serosam, quæ

pulmonum plenam expansionem fieri prohibet, adeoque sufficientem sanguini ex vena cava per cor ad pulmones transitum interdicit, omnino cogimur agnoscere: quod ideo monemus, quoniam inventi sunt hydrope pectoris enecati, & pedibus valde tumidi, in quibus exiguos & vix memoratu dignos polypos post mortem invenerunt, qui eorum secuerunt corpora.

§. XI.

Nescio annon ipsam in hominibus vegetis, obesis & fere athleticis ad summum repletis, plethoram pro causa sufficienti agnoscere debeam, ex qua pedum œdematosi tumores in illis subinde enascantur. Nam quum superoneratæ illorum venæ sanguinem tardius promoveant; unde ad minimum motum corporis difficiliorem anhelu suspirant & delassari videntur; quod signum est sanguinem ipsorum præ nimia copia ad pulmones stagnare: sub ipsa stagnatione hac majorem tenuioris partis per arterias allati sanguinis copiam lymphatica vasa subire necesse est. In his vero inclusa, dum jam superoneratæ venæ lympham suis locis influxuram parcius & difficilius admittunt: fieri non potest, quin stagnatio lymphæ sese tumore partium tandem manifestet. Novimus virum ita constitutum, quem, cum cetera rectissime valeret, pedum œdema, non magnum quidem aut valde pertinax, sed quod noctu fere disparebat, interdiu redibat, corripuit: huic nihil æque profuit, quam plethoram imminuere & vitæ genus mutare; isque, contracto jam matrimonio, a pristino tumore liberrimus vivit. Alia vero est conditio obesorum, qui per se valde phlegmaticæ constitutionis & senio vicini sunt: in quibus frequentius hoc malum

malum ipsius lymphæ vitio accidere solet, nec tam facile corrigi potest.

§. XII.

Haëtenus de illa œdematis causa egimus, quæ in sanguinis venosi minus libero decursu contineri nobis visa est. Nec vero plane intempestivum fuerit hoc loco meminisse illius novæ sententiæ, quam Monspeliensis quondam Professor notissimus, D. D. *Raymundus Vieussens*, primo proposuit, & ipsius gener D. D. *Antoniæ Deidier*, ibidem scholæ medicæ Doctor celeberrimus, propagavit. His itaque viris visum est non solum ab arteriis vasa lymphatica oriri, verum etiam a venis. Argumenta, quibus posterior nititur, Cl. *Mangetus in theatr. an. P. I. pag. 205.* refert; quoniam autem illud, quod fortissimum videtur, a secretionem lymphæ in hepate, adeoque a vena portæ, quæ in multis a vena cava differt, petitur: idque de cerebro desumptum petitionis principii non immerito accusatur: maluimus cum Cl. *Mangeto ἐπέχεν*, quam opinionem nostræ sententiæ insigni modo faventem, antequam liquidissimis probationibus suffulciatur, arripere, & in ea præsidium collocare.

§. XIII.

Inter causas œdematis in descriptione superius data secundo loco accusavimus ipsius lymphæ stagnationem, vel adeo etiam extravasationem: de quo nobis deinceps erit dispiciendum. Certum autem est, lympham ferri in ductibus subtilissimis, crebris valvulis, ad progressionem ejus facilitandum, instructis: qui quidem ductus præter valvulosum, magni certe æstimandum, nullum aliud motus progressivi adjumentum habent,

bent, quam illud, quod partium, quas illa vasa trajiciunt, compressio & motus, & ex minoribus vasculis in majora confluens anterioremque premens lymphæ copia, suppeditare possunt. Istud enim, quod ab articularum vicinitate promittitur, adeo non est perpetuum, ut vix in alia vasa lymphatica quam unum ductum thoracicum, arteriæ magnæ in thoracis bona parte adjectum, quadrare possit: quum autopsia utrumque doceat, & vasa lymphatica potius venas quam arterias in corpore consuetari, & quod, præsertim in inferioribus artubus, binæ venæ adsurgant, ubi unica arteria descendit, ut vir Illustris *Frid. Hoffmannus* passim in scriptis suis & prælectionibus primus, si recte memini, attentæ considerationi commendavit. Possunt autem lymphæ cursum immediate simul difficilem reddere, quæ superius de uteri in gravidis expansione, & venæ cavæ, vel iliacorum etiam vasorum, pressione, diximus. Illa enim lymphatica vasa, quæ ab artubus inferioribus ad cisternam lumbarem decurrunt, illum occupant sane situm, ut premi illa, ab uteri valde expansi, & intestini crassi mole incumbente, necessarium sit: quod cuique partium illarum naturalem situm & conditiones cogitanti manifestum fieri debet. Quare vero superius venarum potius, quam lymphaticorum vasorum rationem habuerimus, causa hæc est, quoniam in vasibus lymphaticis brevius intervallum, quod valvulæ crebræ relinquunt, & lymphæ ex inferioribus scaturiginibus sursum pressæ, immo ipso suo successu prementis vis, ipsorum denique lymphaticorum longe minor, quam venosorum ductuum, diameter minorem adscensus difficultatem portendit, majoremque spem facit, ut angustias oblatas, si non promptissime, qualitercunque tamen

tamen superet atque eluctetur : adeoque ejus , quod magis impeditum est , potiore rationem haberi suadet. Idem esto etiam de femorum pressione & extensione in immodice diuturna equitatione judicium. Adeoque consequitur nos illa , quæ de causali nexu œdematibus cum impeditius progrediente sanguine venoso diximus , sic intelligere , ut non excludant , quæcunque in eodem causalitatis ordine ad ipsa vasa lymphatica recte applicari possunt.

§. XIV.

Ipsa autem lymphæ privatim ad œdema producendum fovendumque concurrit , quando illa spissescentiam mucidam ex quacunque causa acquisivit. Inter illas causas sæpe præsentissimum effectum edit frigus , maxime humidum , corpori antea bene calenti simul ac semel admissum. Ita mihi notum est exemplum bajuli , quod ab *Excell. D. D. Schulzio* relatum habeo , qui , cum hiberna pluvia tempestate circa seram vesperam conclavi probe calefacto inclusus sedisset , & cum sodalibus probe etiam potasset , subito evocabatur ad aliquem sella portatili domum referendum. Quum vero , ut fieri aliquando solet , longiuscule in tam frigido & humido aere expectare deberet , donec illi , ad quem vocatus fuerat , sellam conscendere placeret : factum est , ut totum corpus valde refrigeraretur , statimque gravitatem ejus persentiret. Ad suos redux præter modum calens conclave cupide subit & genio indulget. Postero die mirum erat , quantus tumor totum ejus corpus invaserat , ut vix a familiaribus agnosceretur. Alius innotuit dives non mediocri territorio præfectus , qui , cum autumnali tempore ad venandum prodire constituisset , summo mane surrexerat , &

chocoladæ potu , spirituoſorumque liberaliori hauſtu intus ſeſe, ut putaverat, belle calefecerat. Prodit equo vectus, nubilo & frigido cœlo, quod mox cœpit pluvias copioſas profundere , noſtrumque cum ſuis comitibus large madefecit. Domum redit nescio quam larga præda dives , ſed corporis univerſi habitu tam auctus , ut vix ipſum ſeſe eundem , qui exiverat, putaret : domi etiam magis intumebat. Convenit uterque caſus non ſolum cauſarum, verum etiam effectus morboſi ratione. Uterque blando calore & humidis copioſe aſſumptis ſanguinem circulantem intenſius commoverat : uterque prodiit calente corpore cum ventriculo & inteſtinis adhuc incluſa eſſent, quæ ad humorum circulantium conſortium feſtinabant. Excipiebantur humida frigida tempeſtate, corpore interea vel penitus quieſcente ad notabile tempus , vel leviter tantum commoto, ut noxis a frigore tamen non valeret reſiſtere. Fieri itaque non potuit , quin humores ad circumferentiam corporis antea invitati, conſtrictione illa , quam frigus inducit partibus ſolidis, in motu libero turbarentur, et , quod ab eadem fit cauſa, lenteſcerent : notum enim eſt, gelatinofa fluida calore attenuari, frigore vero lenteſcere. Id quum primo in cutis vaſculis, incredibili modo ſubtilibus, factum fuiſſet : ſimulque in tota ſuperficie corporis accidieſſet : non mirum eſt, ſubſequutos humores, per circulationem ab interioribus adhuc calentibus partibus adpulſos ad has partes ſtagnantes , ſimul in communionem ejusdem ſtagnationis abreptos, vaſa inſigni modo inflaſſe , tumoremque œdematoſum in univerſo habitu externo induxiſſe. Quod in his per univerſum corporis habitum accidit, id pluribus a frigido humido, certas partes præ reliquis magis lædente, evenire toto die

die videmus. Innuimus autem illos, qui nudis pedibus in aqua diutius stare & crura profundius madescere debent. Inprimis autem lædi hac ratione videmus feminas, si hunc errorem illo tempore admiserint, quo vel fluit menstruus sanguis, vel adhuc in motu est: unde non paucae pulmoneos pedes contraxerunt.

§. XV.

Ipsa etiam lymphæ consistentia, si per varia diætæ vitia, præsertim crassiorem victum, spissior & glutinosior facta est, si non sola inducere valet œdemata, tamen dispositionem ad hoc vitium suscipiendum adfert, ut deinde aliæ causæ concurrentes effectum hunc facilius producant. Ita memini me plures vidisse inter litterarum studiosos, quibus fortunæ ad commode vivendum votis non respondebant, juvenes satis de reliquo vegetos, & a phlegmatici temperamenti accusatione remotos, quum victu crasso uterentur, & præterea, metu hypochondriaci mali, satius putarent, si ad pulpitem stantes potius, quam ad mensam sedentes operam litteris navarent, totisque diebus vel noctibus id facerent, contumacia pedum œdemata contraxisse: quorum nonnullis, scabie humida superveniente, ulcerationes foedæ & manantes in tibiis tamdiu permanserunt, donec meliori fortuna adfulgente miserum vitæ genus mutare licuit.

§. XVI.

Apud Excell. D. D. Zwingerum in *theatr. pr. med.* hæc verba leguntur: *ipsa vasa lymphatica œdematum sedes existunt — quando lymphæ a sanguine secreta statim lenta ac viscida evadit, dum mobiliore aquosa particula*

*ticulæ reliquas, cum quibus sunt laxius unitæ, præcurrunt, illasque dein viscidiores post se relinquunt: hæ vero hic sensim magis aggestæ tubulos obstruunt; obstru-
ti tubuli plures paulatim magis extenduntur, ac ita de-
nique partem in tumorem attollunt œdematosum. Qui-
bus quidem exponit modum, qui ipsi visus fuit, qua
ratione lymphæ jam in vasibus hærens lentescat. Diffi-
cile forte aliquibus videbitur ad concipiendum, qui fiat,
ut humor omnium in corpore maxime homogeneous,
dum hæret in vasis, ita mutari possit, ut mobiliiores
aquosæ particulæ reliquas præcurrant, aliquæ viscidio-
res remaneant: sed ad τὸ ὅτι hujus rei confirmandum
succurrit, quod in Excell. D. D. Zelleri elegantissima
dissertatione *de vasor. lymphat. administrat.* legimus,
ipsi aliquoties visas esse in vasibus majoribus hærentes
particulas satis notabiles, gelatinæ instar spissioris, quæ
colore etiam a reliqua lymphæ diaphana distingui pote-
rant. Idem mihi in cane majore gravida, partuque
vicina, videre licuit, quum ramum insignem lymphæ-
ticum, qui e regione hypogastrica abdomen petebat, &
per ipsum illud diverticulum peritonæi, quod Nuckius
describit, intrabat, diligentius scrutaremur. Et quam-
vis non minus Exc. Zelleri quam nobis contigerit,
ut post aliquam moram, ab accedente reliqua lym-
phæ, tanquam glacies in aqua tepida, dissolveretur:
sufficit tamen ad comprobandum fieri posse & solere,
ut subinde particulæ quædam lymphæ in vasibus sub-
sistant, & spissescant. Quumque canis, de qua dixi-
mus, juvenis & sana esset, forte etiam animalia, in qui-
bus Exc. Zellerus observationem instituit, sana fuerint:
magis vero simile fit in subjectis morbidis id eo fre-
quentius ac facilius accidere.*

§. XVII.

Diximus de lymphæ ex causa viarum minus expeditarum, propriæve lentescentiæ culpa, stagnante & tumores inducente. Nunc superest, ut dispiciamus, quid ex lymphæ longa stagnatione per se metuendum sit: quo pacto oedema in suo principio sincerum possit pejus & se ipso gravius reddi: & denique quid lymphæ insuper vitiosa acri vel alia salina qualitate imbutæ corruptæque accidat. Et sane experientiæ consonum est, quo sunt diuturniora oedemata, eo difficilius curari, quum recentibus adhibitæ commodæ medicinæ felicem sæpe finem consequantur. Causam hujus phænomeni putamus esse insignem vasorum ipsorum dilationem, quæ ubi diu duravit, ipsius conformationis vitium inducit, ut etiam expulsa dein optimo modo lymphæ, quum ad naturalem debitamque angustiam non redeant vasa, brevi tempore interjecto eadem iterum pristino ritu impleat. Ad hanc rationem ineundam ducunt nos varia, quæ in aliis casibus simili modo sunt observata. Sic ureteres, per quos frequentius calculi majusculi a renibus ad vesicam descenderunt, post mortem sæpe insigni modo ampliati visi sunt: sic bibonum ventriculi valde capaces fiunt, & rugæ pauciores, quam qui sobrii vixerunt, secantibus offerunt: sic alia in corpore humano ampliora reddi, si sæpe multumque dilatentur, certum est. Id vero si fit in meatibus & cavitatibus tantum per crebra intervalla sæpius expansis, quid non fiet in canalibus, continua stagnantis lymphæ præsentia longo tempore, imo mensibus & annis, distentis? Sed præter hæc fieri vix potest, ut lymphæ diu stagnans in eadem bonitate permaneat, nec lentorem contrahat. Quumque depurgatio,

quæ

quæ promte circulanti & per colatoria glandularum sæpe trajicienti accedit, sub hoc tardiori & impeditiori progressu multum detrimenti capiat, oportet illam tandem se ipsa pejorem & cum tempore talem evadere, quæ cum lentore etiam acredinem & salinas rodentes qualitates acquirat & possideat.

§. XVIII.

Hæc vero corruptio, de qua mox diximus, foveri etiam & augeri potest ab victu in genere quidem crassiori, seorsim vero ab adsumtis salitis, fumo induratis, marinis, nec non acrioribus aromaticis, & potulentis crassioribus. Hujus generis diætetica peccata simplex œdema possunt in scorbuticum transmutare, quod quidem doloribus noctu sensibilibus stipatum est: quale in regionibus septentrionalibus mari propioribus observatur, quam apud nos quidem, frequentius. Confer. *Serv. Eugalenum de Scorbuto Observ. XLIII.* Sed & illa œdemata ad exulcerationes valde proclivia; hæ vero consolidationi adeo refractaria esse solent, ut omnis labor irritus cadat. Vidimus ejusmodi statum in tenuioris fortis homine, qui per longum tempus alterum pedem insigniter tumidum circumferebat, mercenariamque operam qualitercunque præstabat hortis colendis. Quod vero magis magisque ad labores ineptus reddebatur, tandemque cum laboribus mercede, &, quod presso pede sequebatur, victu necessario carebat, accedens mœror animi, victus incommodus & vita plane sedentaria miserum hominem miseriorem reddebant. Nam circa genu exulcerabatur tumor, foetidissimumque adspectum magna, continuoque effluxu foetidi ichoris madens plaga præbebat. Et quamvis
totus

totus usque ad femoris principium supremum tumens pes colore albus esset, semper frigeret, foveas ab impresso digito ubique relinqueret: sicque œdematis omnia signa præberet: ultimis tamen annis sæpe de insigni dolore, non tam tensivo quam rodente, conque- rebatur, qui augebatur, si vel acida vel acriora salsaque adsumsisset: noctu autem maxime sæviebat, ut miser homo sero exoptaret pedis inutilis amputationem, quam ante plures annos, quum tumor nondum nimis alte adscendisset, & reliqua valetudo minus corrupta esset, reformidaverat sæpius oblatam.

§. XIX.

Optandum esset, ut multi tumores ejusmodi œde- matosos anatomico cultro rimati essent, nobisque con- signassent, quid in illis repererint. Vnam reperimus talem sectionem in *Ephemerid. Acad. N. C. Dec. III. Ann. 2. obs. 155.* quæ utinam longior esset. Meminit autem pedis usque ad genua tumidi, qui amputatus sexaginta libras pendebat, materiaque gelatinæ pedum vitulinorum simili repletus fuerat. Hæc vero an in vasibus & membranis inclusa fuerit, an vero extrava- fata in interstitiis hæserit, non intelligas clarissime. Videas autem auctores plures extravasationem lymphæ in œdemate accusare. Supra laudatus Exc. *Zwingerus* his verbis mentionem ejus facit: *Quando stagnans lym- pha vel nimia sua quantitate fortius distentos tubulos rumpit, vel acquisita quadam acrimonia erosos aperit, tum lymphæ extravasatur, atque inter quascunque cir- cumstantes membranas congesta tumores gignit aquosos, qui in cute extrema sub vesicarum nomine & forma com- parent.* Vesicarum talium in œdematosi pedis super-
ficie

ficie enatarum exemplum supra §. IX. adduximus. In hydropicis œdemate accedente non rarum est cutim fissuras agere, multumque feri inde effluere: utrum vero etiam visi sint tumores aquosi in interioribus œdematosorum artuum humiditate vesicis propriis inclusa: ejus quidem rei exempla nondum nobis obtigerunt: adeoque de ruptura vasorum lymphaticorum tam facile et temere hic admittenda hæremus dubii. In quo quidem magis nos confirmat inusitata & incredibilis vasorum lymphaticorum expansio, quæ hydatidas in hydrope vesiculari constituit: de quibus anatomicus dexterrimus *Ant. Nuckius in adenographia cur. p. m. 124. seqq.* plura exempla affert. Et ut magis dubitemus de frequentia hujus eventus, facit ratio, quod in artubus cutis satis densa, quæ illos ambit & coarctat, simul impedire possit in se quidem subtilium ductuum tantam expansionem, quæ crepaturam inducit: quod minus in abdomine vel thorace accidit, ubi lymphatica per ipsam viscerum superficiem, aut inter subtilissimas tunicas decurrunt. Sed, ut diximus, propter observationum certarum & plenarum inopiam, dubii hæc scribimus, paratique ad sententiam mutandam, quamprimum meliora edocti fuerimus.

§. XX.

Hactenus dicta de œdemate ex lymphæ privato vitio, pro tempore & scopo nostro, sufficiant. Superest, ut reliquas causas strictius exponamus. Multi auctores medicinæ observarunt, post vulnera graviora, in quibus sanguinis magna jactura facta est, œdemata sequi, sæpe etiam hydropem sequutum esse. Supponimus magnam sanguinis profusionem. Ab ea autem
vasorum

vasorum plurium inanitionem sequi, quæ longo tempore, dum sanguis perditus instauratur, ad minimum imperfectam eorum expansionem & dilatationem efficit, in propatulo est. Sub hoc autem statu plurium excretionum successus debitos sufflaminari, ipsamque humorum attenuationem, quæ fit, quando per proportionate angustos meatus transprimuntur: itemque necessariam incalescentiam minui, ex physiologicis principiis hic ostendere velle, forte nimis tædiosum & prolixum esset. Sufficit verbo dicere, omni respectu vitari sub his circumstantiis humorum vitalium debitas conditiones, ut non mirum sit, si spissescencia, tum vero etiam atonia partium, difficilem adscensum ab artubus faciat: immo labem etiam aliis visceribus communicet, hydropisque genesin inducat. Quomodo autem intelligendus sit *Hippocrates Aphor. V, 65. 66.* qui malum magnum pronunciat, si vulnera sine tumore sint: & utrum Heurnius alique cum Galeno recte exponant hunc locum de oedematoso tumore, non vacat hoc loco multis exponere. Videtur tamen Latinus ille Hippocrates, *Celsus, lib. V, 26.* rectius hunc textum accipere de congestione phlegmonode, quando in hunc sensum scribit: *nimis intumescere vulnus, periculosum: nihil intumescere periculosissimum est. Illud indicium magnæ inflammationis, hoc emortui corporis est.* Ejusmodi autem mediocres, quæ Celso probantur, tumores indole sua potissimum sanguineos, occasione vulnerum oriri, non rite autem tractatos oedemati locum facere, jam supra laudatus *Stablius in theor. med. p. 1211. 1212.* confirmat.

§. XXI.

Scabies , præsertim humida & copiose suppura-
scens , quemadmodum ratione suæ originis debetur
lymphaticæ humiditatis stasi & corruptioni : ita non
mirum est , si illa raro sine notabili œdemate artuum
visitur , minus autem mirum , si per intempestive adhi-
bita adstringentia retropulsa tumores etiam subinde
maiores inducit. Et profecto levissimum hoc damnum
æstimari debet : œdemate enim præsentē infausta alia
& fontica mala non sunt tantopere extimescenda : hoc
autem vel sponte cessante , vel ulterius repulso angustia
præcordiorum , cardialgiæ , asthmata , sæpe convulsio-
nes & epilepsiæ , catarrhi suffocativi , febres , malum
hypochondriacum , immo mentis emotiones & exan-
thematum in interioribus partibus ulcerosus proven-
tus , unde postea viscera naturaliter divisa inter se coa-
lescent , (qualem casum D. D. *Schulze Biblioth. obser-*
vationum novissimæ Sect. II. inseruit) subsequi solent.

§. XXII.

Post febrium intermittentiū ablationem non in-
frequenter pedum œdemata oriuntur , de quorum ortu
distincte statuendum videtur. Illa enim , quæ feбри-
bus diutius toleratis , tandemque vel cessantibus vel me-
dicina non adstrictoria vehementi sublatis accidunt , ju-
stius videntur tribui debilitati sub longo morbo , ubi
nutritio deficit , & humores multi quotidie consumun-
tur , contractæ , quam vel medicis vel medicinæ adhi-
bitæ. Immo videntur ægroti , quos febris diutius de-
tinet , quando appetitus redire , ipsique , etiam non co-
piosius , edere incipiunt , facile tumere : feбри interim
perma-

permanente. Cujus rei rationem puto quærendam esse partim in humiditatis tenuioris, per febris decursum largius consumptæ, jactura; unde reliquam lympham spissescere opus est: partim in debilitato vel ablato partium justo tono: partim in lymphaticæ humiditatis nova copia, quæ sanguini invehiri incipit, sed ob tonum deficientem non satis prompte propellitur. At vero ubi febribus per adstringentia fortiora suppressis succedit, præsertim in subjectis copiosis succis abundantibus, habitu pleniori, nec valde per morbum consumpto, & pressiones tensionesque hypochondriorum, cum duritie notabili in hac regione persentiscuntur, vix dubitandum est, hepatis & per mesenterium decurrentium vasorum constrictioni hoc malum deberi.

§. XXIII.

Multum ab his tumoribus post febres intermittentes exorientibus differunt apostases febriles, acutis febribus non infrequenter accidentes. Non enim solum indolem habent ex phlegmone & œdemate mixtam; cum tempore tamen magis ad sinceri œdematis naturam accedentem: verum etiam contumacia differunt, multaque habent, quæ medicum sollicitum debent reddere. De his vero congestionibus sæpius laudatum *Exc. Stablium in theor. med. p. 1212* juvabit consulere, ubi simul exempla earum descripta leguntur.

§. XXIV.

Progrediendum nunc est ad prognosin œdematum: quæ omnino ex causarum justa æstimatione formanda est. Quum enim morbus non auferatur, nisi ablata morbi causa: facile apparet, illud œdema facilius curari

D 2
posse,

posse, cujus causa removeri tempestive possit, illo, cujus remotionem causæ difficilior impetrare queas : id vero plane sanari umquam non posse, cujus causam numquam possis vincere. Sic gravidarum oedemata, si de reliquo bene valeant, sponte cessura esse partu in lucem feliciter edito, promittere, immo spondere potest medicus : quoniam utero ad minorem molem redacto, compressio iliacorum vasorum sponte cessat. Ita etiam in illis, ubi a causa transitoria quacunque tumor exorsus est, spes non vana est, malum convenientibus remediis tempestive exhibitis posse corrigi. Pertinent huc illi casus, ubi ab refrigeratione humida, contusionibus, itemque scabie retropulsa, tumor inductus est, hac tamen conditione, quam dixi, ut mature subveniatur. Quis autem spondeat illi aliquam curationem, ubi oedema a causa continuo præsentis nec ullo pacto removenda, qualem §. XI. attulimus, pendet? Vix etiam homini, continua standi necessitate detento, quamdiu in hoc vitæ genere permanet, magnam spem restitutionis licebit ostendere, idque eo minus, quo diutius cum hoc malo conflictatus fuit : præsertim si insuper accedat victus valde crassus. Quod a simplici plethora in hominibus valde repletis, ceterum adhuc vegetis, exoritur, plethora imminuta, præsertim motu corporis laborioso, moderato tamen & continuo, instituto sæpe corrigitur. Pejoris autem est ominis, quod senio vicinis & a sanguinis naturalibus excretionibus jam destitutis, accidit : facileque in hydropem abit.

§. XXV.

Quod post febres tertianas aut quartanas succedere solet oedema, si non adfuerit viscerum induratio tactu
sub

sub hypochondriis exploranda, reliqua autem euphoria sibi constet votoque respondeat, si mediocris etiam fuerit tumor, nocteque decreseat, spem magnam relinquit posse medicamentis vinci. Quæ contrario modo se habent, sique febres adstringentibus profligatæ sunt, spem restitutionis tunc faciunt, si febris commoda medicatione prudenter revocata fuerit, aut naturæ beneficio sponte redierit, tuncque cautiore medicatione profligetur. Id si minus succedat, metus est hydro-
 pis subsequuturi. Ipsorum autem hydropicorum, he-
 ttorum, phthysicorumque oedemata, nisi morbi prin-
 cipales curati fuerit, frustra medicinis, cujuscunque
 generis sint, tentaveris. Si asthmaticis tumor crurum
 accedit, neutiquam dubitandum est de hydrope pecto-
 ris: metuendaque est abdominis etiam lethalis intume-
 scencia hydropica.

§. XXVI.

Quo magis oedema pendet a lymphæ spissitudine,
 & privato cujusdam partis vitio deberi cognoscitur, si
 nondum diuturnus est morbus, spem reliquam facit:
 si diuturnus & remediis frustra tentatus fuerit, illud pro-
 spiciendum est, ne reliquæ corporis partes in commu-
 nionem labis trahantur. Oedemata phlegmonodea ut
 & scorbutica præ reliquis facile retrocedunt, quare ex-
 ternis cautissime debent tractari, quia numquam bo-
 nis ægroti rebus subito concidunt. Eadem, magis ta-
 men scorbutica, ad exulcerationes immo gangræno-
 dem & sphacelosam corruptionem, non raro pervenire
 observatum est. Ulcera oedematibus accidentia me-
 lius est non consolidasse, quoniam facile & pressio pede
 succedunt angustia pectoris, cordis palpitatio, febres
 mali moris, sæpe etiam paralytes & apoplexiæ. Oede-

mata sanguinis enormem jacturam subsequuta sæpius in hydropem incurabilem finiuntur.

§. XXVII.

In legitima oedematis curatione ad causas, a quibus productum est & fovetur, oportere respici in propatulo est. In gravidis igitur enascens oedema ut causam habet non nisi suo tempore demum naturaliter tollendam: ita medicus, nisi diætetico consilio, nihil hic valet. Suadere autem utiliter possit, quam primum se tumor pedum exserit, ut potius moderatum laborem & corporis motum, quam continuo sedentarium vitæ genus sectentur, plethoræque minuendæ provido consilio studeant. Si sedent, non nimis humili utantur sella, decubitus in dorso vitent, sed alterutro potius latere decumbant, &, ut alvus debitum successum habeat, neque umquam induretur, procurent. A partu, si uterus legitime purgetur, oedema sponte cessabit. Vbi a perpetua standi necessitate ortum est & fovetur malum, indicare illam causam, &, ut removeatur, si fieri quidem potest, hortari debet. Quod quidem consilium ut plurimum est irritum in illis, quorum vitæ genus non patitur auscultare rectis consiliis. Plures sane typographi, certe typothetæ, pulmoneos pedes non circumferrent, si liceret per tirocinii longos annos sella uti. Vbi ipsa in se plethora insignis, cum obesi corporis mole, oedemata producit, nihil æque prodest ac naturæ convenientissima illa ratio abundantiam succorum laborioso motu abstinentiaque consumendi. Neque V. S. inutilem hoc rerum statu opem adferre potest. Non possum, quin hoc loco singulari encomio prædicem Illustris & supra laudes nostras positi Viri

D. D.

D. D. Lucae Schroeckii insignem observationem *Ephem. N. C. Dec. 11. Ann. 1X. obs. 231.* de adolescente XX. annorum, otioso & vorace, qui magnam corporis obesi farcinam contraxerat. Huic quum sanguis detraheretur, perfecte albus lactique simillimus visus fuit, nisi quod in fundo vasis paucae rutili sanguinis reliquiae videbantur. Quum salutare consilium laborandi sprevisset, & ignaviae voracitatisque ulterius litasset, non multo post in artuum lassitudinem, pedumque tumorem incidit, luridumque toto corpore colorem induit. Hic de labore iterum admonitus cum paruisset, quamvis de victu non multum detractum fuisset, pristinam sanitatem absque remediis recuperavit. Nos supra meminimus viri illustris ex plethora tumere pedibus incipientis, cui reliqua plethorae minuendae praesidia & contractum matrimonium integrae valetudini recuperandae profuerunt.

§. XXVIII.

Si ex lymphæ privato vitio, praecipue vero spissitudine & lentescencia, pendet malum, omne praesidium est in remediis hanc labem auferentibus: prospiciendumque fuerit, utrum in diæta sua aliquid admittant, unde oedema producat. Victus autem crassior illis, qui necessitate compulsi eo uti debent, facilius dissuadet, quam ab ipsis mutari potest. Si vero admittere consilia licet, & malum recens sit, facile superabunt recens malum infusa calida viribus vegetabilium antiscorbuticorum & diureticorum leniorum imbuta. Si praeparata magis artificialia desiderantur, cum his juncta tinctura metallorum, aut antimonii tartarifata, nec non essentiae succini, pimpinellæ albæ, petasitidis, vince-toxici, prudenter combinatae, officio respondebunt.

Ad

Ad primas vias repurgandas salia media & alcalica fixa, quæ simul diuretica sunt, ut & absorbentia: blanda etiam laxantia balsamicis roborantibus juncta, &, si malum paulo diutius insedit, laxantia paulo fortiora, ut extr. panchym. Cr. pil. hydrop. Bontii cum mercurio dulci & extr. ellebori nigri officium facient. Inter esculenta aromatum, præcipue zingiberis, usus, & potus maxime per urinam prompte rediens conducent. Incidit memoriæ casus maxime notabilis, quem a viro fide dignissimo accepimus: hic autem subjicimus, ut cogitent medici cordati & prudentes, quomodo, quod casu hic salutariter accidit, in consilium verti possit aut debeat. Vir XXXX. admodum annorum aliquot annis laboraverat altero pede insigniter tumido, ut ambitus pedis duplo crassior esset naturali magnitudine. Hic quum coryza laboraret, & domi haberet tincturam bezoardicam, qualem divendunt sic dicti laborantes Harcynici, in qua multum erat spiritus vitrioli, hac copiosius & crebrius usus erat. Incidit in urinæ copiosissimum profluvium, cum siti magna junctum, ut nihil a diabete distaret. Sub hoc præter omnem spem & opinionem tumor pedis disparuit, imo penitus evanuit, cum plenaria curandi salute, postquam medicus consultus laxantibus, cum roborantibus stipatis, urinæ illud profluvium in ordinem redegerat.

§. XXIX.

Vbi œdemata tam universalialia totius corporis, quam certarum partium, ab improvida refrigeratione humida exorta sunt, opera præcipue danda est, ut transpirationis negotium blandissima ratione in integrum restituatur & urinæ etiam viæ pandantur. Proderunt
jam

jam laudata infusa cum tincturis commendatis metal-
lorum & antimonii. Sed forte nihil promptius ad au-
xilium est essentia croci cum spiritu non rectificatis-
simo, sed mediocriter phlegmatico aliquo, ex tempore
parata & largius propinata. Hoc solo remedio intra
paucas horas restitutus est pristinae sanitati, cujus supra
meminimus, bajulus toto corpore oedematosus. Ob-
iter hic monemus corrumpere illos divinum remedi-
um, crocum, qui cum valde spirituosus extrahunt men-
struis. Habet enim vires in mucilaginoso principio
latitantes, quas convenienti menstruo oportet extra-
here. Helmontius suum Aroph, quod certo scio in-
ter arcana esse, non destillavit, (quanquam decipiendi
caussa hoc significare visus est,) sed longa digestionem
cum vino Canariensi & mica panis præparavit, & ad
usus varios cum insigni fructu adhibuit: de quo qui-
dem hic non est ulterius differendi locus.

§. XXX.

Si virium & toni partium deperditi causa oedema-
ta nascuntur, opera danda est ut vires agroto restitu-
antur, tonusque reddatur. In quo quidem cautissime
mercandum est. Nam si post febres intermittentes,
quando appetere incipiunt convalescentes, nimis festi-
naveris, oedemata, quæ exigui per se momenti futura
erant, augebis & contumacia reddes. Quare maxime
moderatus cibus hoc rerum statu commendandus est,
ventriculus autem & intestina vere roborantibus & bal-
samicis, interpolatis quandoque laxantibus, repurgari
& confirmari debent. Exterius bene facit iam anti-
quum remedium, fasciæ nempe latioris circa partem tu-
mentem moderate adstricta convolutio, ita ut ab ex-
tremo partis incipiatur & usque ad tumoris finem in-

ducatur. Iidem veteres solebant spongiam ex aceto diluto calide superdare partibus tumentibus & deinde fascia sic deligare ut, quantum fieri posset, æqualis esset compressio: hoc nihil valente per gradus ad fortiora progrediebantur, nimirum aluminosa, aquam calcis vivæ, succum myrti, sal, sulphur & id genus alia, adhibebant, immo nec pingua oleosa reformidabant: quæ certe magna cautione adhibenda sunt, ne loco salutaris discussionis, quæ placide & successive impetrari debet, tumultuariam & periculi plenam retropulsionem impetremus. Non male consulunt, qui oedematosos artus subinde fovere jubent vapore accensi spiritus vini rectificatissimi: quod qua ratione fieri debeat Excell. *D. Heisterus in Cbirurgia* pag. 304. describit. Si vero illa virium & toni amissio coniuncta sit immo inducta a morbo gravi diuturno, hæctica, phthisi, hydrope: omnino ab hisce tentaminibus abstinendum est, quoniam ad curationem legitimam plane non pertinent.

§. XXXI.

Si scabies retropulsa tumorem œdematosum produxit, cito subveniendum est remediis lympham seorsim depurantibus & in fluxilitate conservantibus; quo nomine mercurius dulcis ad grana pauciora, quam quæ alvum sollicitare possint, exhibitus laudabilis est. Vel Aethiopem mineralem per plusculos dies ad scrupulum exhibeas, & laboranti lenem, sed continuum motum, pro conservanda transpiratione iungas, propinato simul infuso theiformi ex sarsaparilla, rad. chinæ, scrophulariæ, polypodii & glycyrrhizæ. Promptissimum etiam est ad revocandam efflorescentiam scabiosam, si florum sulphuris quatuor ad sex grana per aliquot continuos dies præbeas: corpus interea sæpe fricari & ad transpirationem dispositum retinere jubeas. Juvabit etiam antimonio diaphoretico absorbentia, & si febris accendi videatur, nitrum adjicere.

§. XXXII.

§. XXXII.

Inter externa, quæ discutiendi fine commendari possunt, præcipua sunt frictiones crebræ cum linteis mediocriter calidis, nec non vapor calidus parti admissus ex decoctis vel infusis herbarum, radicum, & florum, qui simul discutiendi & roborandi virtute gaudent. Possunt etiam ejusmodi decocta cum vino parata parti adfectæ immediate adplicari, vel spongiis vel linteis hisce imbutis. Innuimus maxime chelidonium majus, geranium Robert. fol. bardanæ, ebuli, petasitid. fl. sambuci, rad. cucumer. agrestis, quorum non nulla nude imposita, recentia tamen, non sunt contemnenda virtutis. Emplastrum saponatum, si inter initia adplicetur, bene se gerit. Laudem etiam meretur illud emplastrum quod *Zwingerus in theatr. prax.* commendat, ex fimi columb. bol. armen, a vnc. j. croci martis aper. vnc. ß. gumm. ammon. galban. sandar. a drachm. vj. cinnab. factit. vnc. ß. bacc. lauri dr. ij camphor. dr. iß. ceræ & tereb. a. q. f.

§. XXXIII.

Singularis supereff quæstio, quæ in utramque partem a medicis magni nominis agitur, utrum œdematosos ad fontium usum ablegare deceat. Et plerique quidem admittunt usum thermarum, sed caute adbibendum. *Wenceslaus Payerus* thermas Carolinas his verbis commendat pag. 26. profunt tumori pedum ex permutatione tam acutarum quam chronicarum febrium, -- undimie, mollificationi crurum & brachiorum -- omnibus speciebus hydropis in principio. Ex recentioribus plures eruditi & experientia in ipsis thermis & ad acidulas acquisita suffulti viri, inter quos laudatissimus & Excell. D. D. *Fr. Hoffmannus* suo jure eminet, non solum probat, sed sollicitè docet modum caute & ad salutem his fontibus utendi, ad quem merito ablegamus lectorem benevolum plenissime in hac parte edoceri cupidum. Hic tantum monemus numquam usum externum in hoc casu solum esse salutarem, sed præmitti oportere internum, ut, omnibus emunctoriis reſeratis, omnibusque expurgatis viis, perfectissima fiat curatio, si ex-

ternus usus, utpote constringens & roborans, coronidis loco accedat. Si quis acidularum usum præ thermis commodiorem sibi putet, huncque experiri velit, secundum methodum a nobilissimo Anglo, Domino *Slare* societati Regiæ Britannicæ propositam, aquas consultissime biberet. Voluit autem ille, & exemplis comprobavit, non semper necessarium, sæpe periculosum & noxium esse has aquas tanta copia ingurgitare ut ventris magnam purgationem cieant, sufficere in quibusdam mediocrem quantitatem, præsertim prima vice, haurire & excretionem per urinam potissimum expectare. Hoc pacto præcaveri possunt nimii infarctus, & simul averti metus ne ex œdemate in asciten hydropem fiat transitus.

§. XXXIV.

Tandem etiam quæri non immerito possit annon chirurgiæ hic sit aliquis locus, & in casu tali, ubi membrum unicum, ponamus crus, per plures annos tumet nullique medicinæ locum relinquit; neque tamen malum ulterius promte adfurgit, sed per annos in eodem spacio subsistit & in amplitudine tantum augetur; homo autem de cetero satis bene se habet: annon, inquam, tali statu consultum sit partem inutilem & tantum oneri corporis cedentem, ferro amputare in sana parte? Equidem fateor consultos a me plures chirurgorum libros nihil respondere: neque tamen video quid prohibeat, si omnia, ut in quæstione proposita sunt, sese habeant ad unicam hanc medendi rationem venire, ut homo sibi aliisque molestus in statum tolerabiliorem restituatur. Factum id esse in homine rustico supra §. XIX. commemoravimus; sed quis eventus fuerit, an post operationem diu superstes fuerit, & quomodo vixerit & valuerit in ista relatione non est adjectum.

§. XXXV.

Plura instituti ratio non permittit: & sunt hæc fortasse jam justo prolixiora. Lectoris prudentis, veritatem æstimatoris & experti, iudicio singula subjicio. DEUM autem ut nostris omniumque honestorum virorum conatibus semper faveat, enixe rogo.

Sæpius

S Aepius Hippocratem & Celsum Mala fontica
spernunt,

Quæ tamen a tergo Terror abesse jubet;
Dira Lues Podagræ subito Terrore levatur,
Pharmaca contemnens dira Lues Podagræ:
Hæc igitur Terror cum præstet, SCHRECKIVS
Ægrum

Sanandis Morbis Nomen & Omen erit.

Hisce

*Clarissimo Domino Candidato, de Honori-
bus feliciter susceptis gratulaturus,
optatam ominatur praxin*

D. Christophorus Iacobus Treu,
Reipubl. Norimb. Physicus Ord.

E ist der Medicus recht Frieden-reich zu nennen /
Wann er die Schmerzen stillt / so voller Unruh sind;
Die Stadt hat dieses Glück auch billig zu erkennen /
Die ihren Medicum von Gott gegeben findt:
Weil Du nun Friederich und Theodor zu nennen /
So muß auch selbst der Tod / als Schrecken / Dich erkennen.

Hiermit wollte seine Schuldigkeit
bezeugen

D. J. J. Grambs /
Moeno-Francof.

A Scensu superas cathedra fastigia summa,
O penitus toto corde recepte mihi!
Atque pedum docte perlustras tubera dira:
Qua nam solvuntur premia iusta tibi?
Gallenus summi nunc pilea præbet honoris
Sedulitate tibi & parte tua Veneri.
Splendesca igitur Patriis virtutibus orbi,
Atque tuis tectis dulcia mella fluant.

Sic

Prænobilissime, nec non eruditionis laude
maxime conspicue Domine Candidate,
Amice fratris instar dilecte, de singu-
lari eruditionis specimine

gratulabundus

Tibi

summos in arte Medica honores adepturo .
applaudit

Tuus

sincera mente addictissimus

P. P. Schneider, Theol. Studios.

